

**KANTONALNA AGENCIJA ZA PRIVLAČENJE
INVESTICIJA I PRIVATIZACIJU**

UPRAVNI ODBOR

**PRAVILNIK
O VLASTITIM JAVNIM PRIHODIMA
KANTONALNE AGENCIJE ZA PRIVLAČENJE INVESTICIJA I
PRIVATIZACIJU**

decembar, 2025. godine

Na osnovu člana 15. tačka f) Statuta Kantonalne agencije za privlačenje investicija i privatizaciju („Službene novine Kantona Sarajevo“, broj: 35/22), a u vezi sa članom 9. Pravilnika o vrstama vlastitih javnih prihoda u Federaciji Bosne i Hercegovine („Službene novine Federacije Bosne i Hercegovine“, broj: 104/22), na prijedlog direktora Kantonalne agencija za privlačenje investicija i privatizaciju, Upravni odbor Kantonalne agencije za privlačenje investicija i privatizaciju, na 1. redovnoj sjednici održanoj dana 25.12.2025. godine donio je

P R A V I L N I K
O VLASTITIM JAVNIM PRIHODIMA
KANTONALNE AGENCIJE ZA PRIVLAČENJE
INVESTICIJA I PRIVATIZACIJU

DIO PRVI - OPŠTE ODREDBE

Član 1.

(Predmet Pravilnika)

Ovim pravilnikom utvrđuju se vlastiti javni prihodi koje ostvaruje Kantonalna agencija za privlačenje investicija i privatizaciju (u daljem tekstu: Agencija), pravni osnov ostvarivanja, namjena i način trošenja vlastitih javnih prihoda, prikupljanje, evidentiranje i raspolaganje vlastitim javnim prihodima i kontrola utroška.

Član 2.

(Vlastiti javni prihodi)

Pod vlastitim javnim prihodima podrazumijevaju se prihodi koje Agencija ostvari u skladu sa Zakonom o privatizaciji preduzeća i podzakonskim propisima koji regulišu tu oblast, Zakonom o slobodi pristupa informacijama u Federaciji Bosne i Hercegovine, Uputstvom za provođenje Zakona o slobodi pristupa informacijama u Federaciji Bosne i Hercegovine, kao i drugim relevantnim pozitivnim propisima koji uređuju ovu oblast, obavljanjem svoje osnovne djelatnosti, kao i ostalih poslova na tržištu.

Član 3.

(Uplata i evidentiranje vlastitih javnih prihoda)

- (1) Prihodi vlastitih javnih prihoda uplaćuju se na depozitni račun Budžeta Kantona Sarajevo (u daljem tekstu: depozitni račun).
- (2) Uplata i evidentiranje vlastitih javnih prihoda vrši se u skladu sa odredbom člana 8. Pravilnika o vrstama vlastitih javnih prihoda u Federaciji Bosne i Hercegovine i Uputstvom o izvršavanju budžeta sa Jedinstvenog računa Trezora.

DIO DRUGI – VLASTITI JAVNI PRIHODI

Član 4.

(Vrsta vlastitih javnih prihoda)

Agencija može ostvarivati vlastite javne prihode od:

- a) naknade za učešće na aukciji, tenderu i neposrednoj pogodbi, vrsta prihoda: 722659
- vlastiti javni prihodi od ostalih aktivnosti i

b) umnožavanja dokumenata, vrsta prihoda: 722655 - vlastiti javni prihodi od distribucije i prodaje pisanih, foto i video publikacija i materijala, obrazaca.

Član 5.

(Naknada za realizaciju usluga)

Visina naknade po osnovama iz člana 4. ovog pravilnika utvrđuje se kako slijedi:

- a) za naknadu za učešće na aukciji, tenderu i neposrednoj pogodbi, visina naknade utvrđena je Zakonom o privatizaciji preduzeća i podzakonskim propisima koji regulišu oblast privatizacije,
- b) za naknadu za umnožavanje dokumenata, visina naknade utvrđena je Zakonom o slobodi pristupa informacijama u Federaciji Bosne i Hercegovine i Uputstvom za provođenje Zakona o slobodi pristupa informacijama u Federaciji Bosne i Hercegovine.

DIO TREĆI –RASPODJELA VLASTITIH JAVNIH PRIHODA

Član 6.

(Način i rokovi raspodjele)

- (1) Agencija je dužna, na osnovu planiranih vlastitih javnih prihoda, planirati i rashode koje će pokriti iz tih prihoda.
- (2) Vlastite javne prihode, iz člana 4. ovog pravilnika, Agencija koristi za pokriće izdataka nastalih obavljanjem tih poslova, a ostatak za tekuće i kapitalne izdatke.
- (3) Vlastiti javni prihodi mogu se koristiti samo u toku fiskalne godine, a neutrošeni dio postaje javni prihod Budžeta Kantona Sarajevo naredne godine.

Član 7.

(Način raspodjele vlastitih javnih prihoda)

- (1) Ostvareni vlastiti javni prihodi u cijelosti se raspoređuju Agenciji.
- (2) Prihodi koje Agencija ostvari po osnovu naknade za učešće na aukciji, tenderu i neposrednoj pogodbi, raspoređuju se za pokriće izdataka nastalih obavljanjem poslova od kojih se ostvaruju vlastiti javni prihodi.
- (3) Prihodi koje Agencija ostvari po osnovu umnožavanja dokumenata, raspoređuju se za pokriće materijalnih troškova, nabavku opreme i ostale namjene.

DIO ČETVRTI – EVIDENTIRANJE VLASTITIH JAVNIH PRIHODA

Član 8.

(Obaveza evidentiranja vlastitih javnih prihoda)

- (1) Agencija je dužna sve transakcije po osnovu vlastitih prihoda evidentirati u pomoćnim knjigama i Glavnoj knjizi Trezora.
- (2) Podaci iskazani u pomoćnim knjigama moraju biti usklađeni sa podacima iz Glavne knjige Trezora.

Član 9.

(Način evidentiranja i uplate vlastitih javnih prihoda u gotovini)

Naplaćena sredstva na ime vlastitih javnih prihoda koja su ostvarena gotovinskim plaćenjem i za koje ne postoji mogućnost bezgotovinskog plaćanja evidentiraju se i uplaćuju na depozitni račun najkasnije sljedeći radni dan po prijemu uplate.

DIO PETI – RASPOLAGANJE VLASTITIM JAVNIM PRIHODIMA

Član 10.

(Način raspolaganja)

Agencija može raspolagati vlastitim javnim приходima po izvršenoj uplati na depozitni račun, uz podnošenje pismenog zahtjeva Ministarstvu finansiju Kantona Sarajevo za odobravanje raspoloživih sredstava u mjesečnom operativnom budžetu (obrazac Z2).

Član 11.

(Korištenje)

Agencija koristi vlastite javne prihode u skladu sa odobrenim budžetom za fiskalnu godinu.

DIO ŠESTI – KONTROLA UTROŠKA VLASTITIH JAVNIH PRIHODA

Član 12.

(Praćenje naplate)

- (1) Agencija je dužna da, putem izvještaja koje dobija od strane Ministarstva finansija Kantona Sarajevo, redovno prati dospelost i naplatu vlastitih javnih prihoda, kao i ostvarene rashode i izdatke po osnovu vlastitih javnih prihoda do visine operativnog budžeta.
- (2) Agencija je odgovorna za potpuno i pravovremeno uplaćivanje vlastitih javnih prihoda na depozitni račun.

Član 13.

(Raspoređivanje)

Agencija je dužna da ostvarene i naplaćene vlastite javne prihode rasporedi na rashode u finansijskim mjesečnim planovima izvršavanja budžeta.

DIO SEDMI – ZAVRŠNE ODREDBE

Član 14.

(Izmjene i dopune Pravilnika)

Pravilnik se mijenja, dopunjava i stavlja van snage na način koji je propisan za njegovo donošenje.

Član 15.

(Tumačenje odredbi Pravilnika)

Tumačenje Pravilnika i njegovih pojedinačnih odredbi daje Upravni odbor Agencije.

Član 16.
(Stupanje na snagu)

Ovaj Pravilnik stupa na snagu danom dobijanja saglasnosti od strane Vlade Kantona Sarajevo i objavit će se na oglasnoj ploči i internet stranici Agencije.

Broj: 21-06-15-354-4-1-25
Sarajevo, 25.12.2025.godine



PREDSJEDNIK
UPRAVNOG ODBORA
Edin Omerčić, dipl.pravnik

O B R A Z L O Ž E N J E

Pravni osnov:

Pravni osnov za donošenje ovog Pravilnika o vlastitim javnim prihodima Kantonalne agencije za privlačenje investicija i privatizaciju sadržan je u članu 15. tačka f) Statuta Kantonalne agencije za privlačenje investicija i privatizaciju, kojim je propisano da je Upravni odbor nadležan da donosi druge opće akte Agencije, na prijedlog direktora, izuzev Pravilnika o radu.

Razlozi donošenja:

Zbog prelaska Kantonalne agencije za privlačenje investicija i privatizaciju na trezorsko finansijsko poslovanje potrebno je prilagoditi postojeće, kao i donijeti nove interne akte Agencije, koji su usaglašeni sa važećim zakonskim i podzakonskim propisima kojim se uređuje oblast finansijskog poslovanja budžetskih korisnika, te je s tim u vezi predloženo donošenje ovog pravilnika kojim se reguliše oblast vlastitih javnih prihoda Agencije.